

**Farg‘ona viloyati statistika boshqarmasida 2025-yilda O‘zbekiston
Respublikasining “Manfaatlar to‘qnashuvi to‘g‘risida”gi Qonuni talablariga
rioya etilishi holati bo‘yicha hisobot**

Farg‘ona viloyati statistika boshqarmasi hamda shahar va tuman statistika bo‘limlarida 2025-yil 1-dekabr holatiga shtat birliklar soni jami **121,5** tani tashkil etib, shulardan **95** tasi boshqaruv xodimlari tashkil etdi. Amalda ishlovchi boshqaruv xodimlar soni **116** tani tashkil etadi.

2025-yil yanvar-dekabr holatiga jami **18** ta xodim ishga qabul qilingan bo‘lib, ularning **6** tasi boshqaruv xodimlari. Boshqaruv xodimlari ishga qabul jarayonida ochiq shaffof tarzda ishga qabul qilingan.

Ishga qabul qilingan barcha xodimlarga Moddiy javobgarlik, shaxsga doir ma‘lumotlarni oshkor etmaslik hamda manfaatlar to‘qnashuvi to‘g‘risida tushuntirishlar berib o‘tilgan va tegishli shartnomalar tuzilgan. Yillik deklaratsiya ham to‘lg‘azilgan.

2025-yilda boshqarma hamda shahar va tuman statistika bo‘limlari xodimlari orasida aniqlangan **“Manfaatlar to‘qnashuvi”ga** asosan **3** ta xodim bilan mehnat shartnomasi belgilangan tartibda bekor qilindi.

O‘ziga yuklatilgan vazifalarni o‘z vaqtida va sifatli bajarmagan jami **3** ta xodimga O‘zbekiston Respublikasi Mehnat kodeksi 312-moddasi hamda O‘RQ-788 ning 46-moddalariga asosan “Hayfsan” intizomiy jazo chorasi qo‘llanildi.

Barcha buyruq va mehnat munosatlarini tartibga soluvchi boshqa huquqiy hujjatlar amaldagi qonunchilikka muvofiqligi yuzasidan bosh-yuriskobsult tomonidan tekshirilgan va imzolangan. Har bir xodim bilan tuzilgan mehnat shartnoma va qo‘shimcha kelishuvlarga korrupsiyaga qarshi shartlar kiritilgan.

“Manfaatlar to‘qnashuvi to‘g‘risida”gi O‘RQ-931-son O‘zbekiston Respublikasi Qonunining 18-moddasi ijrosini ta‘minlash maqsadida yil boshida boshqarma tizimidagi barcha xodimlar tomonidan ehtimoliy manfaatlar to‘qnashuvi to‘g‘risidagi deklaratsiyalar to‘ldirildi. Topshirilgan deklaratsiyalar tahlili natijasida Sirdaryo viloyati statistika boshqarmasida ehtimoliy manfaatlar to‘qnashuvi aniqlanmadi.

Shuningdek, O‘zbekiston Respublikasi Prezidentining 2025-yil 24-fevraldagi “O‘zbekiston Respublikasi Milliy statistika qo‘mitasi faoliyatini tashkil etish choratadbirlari to‘g‘risida”gi PQ-75-son qarori hamda Milliy statistika qo‘mitasining 2025-yil 3-martdagi 59 k-son buyrug‘i asosida “Farg‘ona viloyati statistika boshqarmasi shtat jadvalini amaldagi qonunchilik hujjatlarida belgilangan tartibda maqbullashtirish jarayonlarini tashkil etish va maqbullashtirish jarayonida yuzaga keladigan nizolarni hal qilish, murojaatlarni ko‘rib chiqish

hamda Kasaba uyushmasi qo'mitasini xabardor qilish va birgalikda ishlashni tashkil qilish bo'yicha Komissiya" tashkil etildi. Natijada, shtat birliklari qisqartirilayotgan xodimlarga ogohlantirish xatlari berildi, ishda qoldirishda qonun bilan berilgan afzalliklarni inobatga olgan holda tegishli nomzodlarni aniqlash, qisqartirilayotgan xodimlarga qonunc hilikda belgilangan huquq va kafolatlari to'g'risida tushuntirishlar berish, bo'shayotgan xodimlarga esa Mehnat kodeksida nazarda tutilgan barcha kafolatli to'lovlarni belgilangan tartibda va muddatda amalga oshirilishini ta'minlash ishlari o'z vaqtida va to'g'ri tashkil etildi.

Korrupsiyaga doir murojaatlar 2025-yilda bo'lmagan.

Boshqarmaning rasmiy saytiga har oyning 10 sanasiga qadar oylik va choraklik ma'lumotlar davlat tilida doimiy joylashtirib borilgan.

Statistika boshqarmasida Korrupsiyaga qarshi kurashish bo'yicha idoraviy komissiyasi hamda Korrupsiyaviy xavf-xatarlarni aniqlash va baholash Ishchi guruhi tashkil etilgan. Faoliyat doirasida ular tomonidan Korrupsiyaga qarshi kurashish dasturi, Korrupsiyaviy xavf-xatarlarga eng ko'p moyil bo'lgan lavozimlar ro'yxati, Korrupsiyaviy xavf-xatarlarning xaritasi ishlab chiqilgan. Yil davomida O'zbekiston Respublikasining "Korrupsiyaga qarshi kurashish to'g'risida"gi Qonuni, korrupsiyaga qarshi kurashish va uni oldini olishga qaratilgan Davlat dasturlari va boshqa qonun hujjatlarining mazmun-mohiyatini tushuntirishga bag'ishlangan tadbirlar tashkil etildi.

Yil boshida xodimlar tomonidan statistik ma'lumotlarni tayyorlash jarayonidagi vazifa va funksiyalari "o'rta" korrupsiyaviy xavf-xatarlar darajasida baholandi.